



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 33. Emmanuël Ortega & Thomas Fildius Guaïraniam Apostolicè
lustrant.

urn:nbn:de:hbz:466:1-38528

AL FONSUM Barsenam in eâ expeditione diutius perseverate volentem, ut quatuor millia Ethnicorum, quorum Casiquios baptizaverat, Christi partibus adderet, & ad fretum usque Magellanicum per ferociissimas gentes, sine armis, sine comitatu, ire paratum revocavit Episcopus Tucumanensis, ne tantis periculis exponeret virum, quo si aliquando carereret, Episcopatum se etiam abdicaturum asserebat. Ut redit, cum quamvis renitecentem totius dioecesos inspectorem summa cum potestate legitimis tabulis creat, rogatque, ut cum sociis è Brasiliâ nuper adiectis Salvi fluminis accolarum omnium curam in se suscipiat. Barsena, Francisci Anguli iussu, admisso procuratione, Emmanuel Ortegam, Joannem Salonium, & Thomam Fildium ad eam regionem multis barbarorum millibus scatentem deducit, deductos Tonocotanam linguam docere incipit, per intervalla indigenas omni ope juvat, quorum numerum benè magnum exiguo planè tempore facio latice perfundit: ducentos circiter & triginta Neophyti pellicatu infames legitime copulat, multos plane mortales de peccatis numquam confessos expiat; quo in labore mörbo contracto, ad urbem referri debuit. Sed per hunc morbum Deus Optimus Maximus Paraquatiensibus salutem dare destinabat.

PATRES Brasili, deficiente Tonocotanæ linguæ Magistro, communicato cum Francisco Angulo consilio, in Paraquatiæ, quod cos Illustrissimus Paraquatiensis Episcopus, ob linguæ Guaranicæ peritiam, & Sacerdotum inopiam, invitaverat, perrexere. Trecentis leucis distat Assumptionis urbs unde discesserant, quo itinere partim terrâ, partim adverso flumine Argenteo Paraquarioque, consecuto, collecta ubique copiosa animarum messe, ab Assumptionis civibus tres omnino leucas obviam effusis, tantâ omnium ordinum aggratulatione, excepti sunt, satis ut appareret quâm sincerè animarum suarum culturam exposcerent. In eâ urbe, Dominicani Episcopi absentiis vices gerebat ex eodem ordine vir planè pius, qui suopte ingenio, & sui Præfus hortamentis, Socios palam laudatos induxit in ædes à civibus paratas, ultrò concessâ potestate pleraque Sacraenta in urbe & extra urbem administrandi. Sic præclarissimo Divi Dominici Ordini debemus, quod in Tucumaniam, Paraquatiæ induiti simus. Eo tempore pleraque Paraquariæ civitates & Indorum oppida Sacerdote carebant: quare Neophyti passim omnium rudes mixti Ethnicis, nullo consuetudinum discrimine, sine sacerdotum usu disciplinâque, vanâ tantum Christianorum nomina præferebant: multi mortales ex Barbaris mulieribus orti barbaros mores cum laete ebiberant, plerique verò Europæi, deficientibus Sacramentis, sôtem suam lamentabantur, dolebantque Paraquatiensis Reipublicæ corpus, ex nobilissimis partibus compositum, multis corruptelis ob sacerdotum Medicorum raritatem infici. Quò se verterent Socii, quam partem cùrandam prius affluerent, non fatis apud se constituebant. Consulto tamen Deo, visum est, Provinciæ caput noxiis humoribus antè purgandum, ut sanitas in subjecta membra efficaciùs influeret. Postquam ergo deferbuit gratulatotum fervor, in ipsâ urbe Assumptionis instrumenta medendi omnia, Conciones, Catecheses, privata publicaque colloquia, exhomologeses, & id genus varia in omnes ordines exprompta sunt. Tenera Hispanorum puerorum indoles pro captu curabatur, gravia concionum remedia maturæ ætati adhibebantur. Fœminarum mollities ferventi alloquiorum cauterio adurebatur: Indigenæ in urbe servitiis addicti præcipuo studio eruditabantur. Denique primo trimeltri, eo successu peracta res est, ut scipiam in se urbs immutata vix agnosceret. Curatâ utcumque civitate, ad suburbanos pagos & villas excurrentes, grandem animarum segregem, adhibitâ Baptismi, Matrimonii, Catecheses & Exhomologeses falce, per vices collectum ivere: donec caritatis ignis, inter exigua spatio non se continens, sensim serpendo longinquâ corriperet.

IOANNE Salonio reliquis Præfecto in urbe remanente, Ortega & Fildius, adverso primum Paraquario, deinde per immensa nemora & paludes pedibus inceden tes (ut in eis agnosceres Josephi Anchietæ discipulos) in Guairaniam Brasiliæ obversam regionem, centum & quinquaginta leucarum itinere profecti, pagos

omnes,

CAPUT
XXXI
Salvi fluminis accolae Societatis curæ subduntur.

Barsena multos sacro fonte abluit.
Agrotat.

CAPUT
XXXII
Brasiliorum Sociorum primi in Paraquariâ labores.

1588.
Bene volle ab urbe excipiuntur.

Et ab Dominicis Episcopi Vicario.

Gratitudo Societatis erga Dominicanos.

Mores mutati.

CAPUT
XXXIII
Emmanuel Ortega & Thomas Fildius Guairaniam Apostolicè iustrant.

Multos ba-
ptizans.

Guairam
excolant,

Et Villari-
cam.

CAPUT
XXXIII.
Socii peste
graliante
per Para-
quariam &
Guairaniam
multa fa-
ciunt me-
moratu di-
na.

1589.
Mille & quin-
gentos ad Fi-
lium addu-
cunt.

Quater mille
baptizant.

Mille bap-
tizati.

Item bis mil-
le & qua-
dringenti.

Item sexa-
ginta.

omnes; quā transeundum erat, omni Apostolicorum officiorum genere, plurimis præsertim ubique baptizatis, curavere. Primā molitione trecentos & quinquaginta Ethnicoꝝ, quorum Dux, horribili figurā, piēto ad terrorem deformatoꝝ capite, comam ad genua demiserat, ē sylvis crūtos, ad partes Christi traduxerē. Quot in obviis passim vicis baptizaverint, sigillatim notatum non reperio. In ultimo Paraquariensis ditionis pago, Guairanā contermiro, mille Ethnicorum capitibus salutates aquas infudēre. Quadringentos maritali vinculo adstrinxerē. Tantis rebus in itinere perfectis, deducentibus, qui obviam venerant, civium Primoribus, primum Guairania Hispanorum oppidum (civitatem Regalem vocant) tenuere. In hujus oppidi vicinia Melgarecus ejus fundator quadraginta millia Barbarorum in album olim retulerat, ex quibus ea tempestate magna multitudo adhuc supererat, serviebatque, centum & quinquaginta Hispanis eam regionem incolentibus. Huc igitur delatis Paribus, quoniam nullum Sacerdotem habebant, magna animarum seges oblata est: quam per mentem integrum, multis mortalibus baptizatis, Hispanis omnibus & Indis, legitimam ætatem habentibus, matrimonio ritè adstric̄tis, veteribus inimicitis pravisque amicitiis dissolutis, in Christi horreum intulēre. Deinde adverso Paranā Huibaioꝝ, octoginta leucarum itinere, Villaricam alteram Guairanā urbem ad Huibai fluminis Paranæ influentis ripam, obvios passim Barbarorum pagos Baptismo & Confessione expiantes, perrexerē. Villaricani festo tympanorum & sclopotorum sono testati sunt, nihil sibi accidere potuisse gratius, quam si post tot annos, quibus nullum Sacerdotem viderant, talibus viris fruerentur. Quadrimestri spatio Hispanorum omnium conscientia purgatae sunt, & ingens Barbarorum numerus ad partes Christi traductus. Denique explorata regione reperere Socii, ducenta Ethnicorum millia in Guairanā, si non deficerent operæ, ad fidem Christianam reduci posse. Igitur ad Assumptionis urbem, abs se conspecta Salonio relaturi, multis mortalibus in itinere denuo baptizatis, postlimiō redire.

ORTEGAM & Fildium fatigatos quadringentarum & quinquaginta fermè leu- carum peregrinatione exceperit in Assumptionis urbe labor propè immensus: quippe pestis invaserat cives, taatā cum clade mortalium, ut subinde uno codemque die centum capita demeteret. Paucis multa completar, nam verba perdere non lubet. Saloniū, Ortega & Fildius, non integro anno quindecies millies pœnitentibus aures prebuerū: mille & quingentos Ethnicoꝝ baptizavere: cibi & somni immemores summā curā vires animi corporisque intenderunt, ne quid humanae vel divinæ opis cuiquam deesset: & quod mireris, nullo virium suarum aut valetudinis detrimento, Deo scilicet eorum corpora protegente, qui animas aliorum suo periculo protectum ibant. Postquam pestis civibus abunde se pavit, agros invasit, eò majori damno, quò omni subsidio agrestes carerent. In pagis & villis Assumptionis urbi subcenitis, Ortega & Fildius numeratō decies millies morientium expiations fecere; totidem cadaverum millia suis manibus sepelivere. Quatuor fermè millia Ethnicorum baptizavere, qui fermè omnes statim à suscep̄to baptismo ad celos evolavere. Continuato deinde labore Guairaniam petentes, in civitate Regali, Sacerdote adhuc carente, bis mille homines supra quingentos de peccatis confessos absolvere: mille capita ex Ethnicis Christiana fecerē: centum & quinquaginta paria ritè conjugio copulavere. His rebus patratis, Emmanuel Ortega, Thoma Fildio Villaricam Sacerdotē etiam carentem ante se amandato, ipse in itinere variis in pagis bis mille & quadringentos sacro latice perfundit: ducentos & quinquaginta supra mille matrimonio alligavit: sacrarum Confessionum, & sepulchorum cadaverum, numerus inīri non potuit. In pago uno triginta vetulas centenarii majores, & earum conjuges, fermè omnes ariolandi arte infames, ad Christum adduxit, Deo in corpora leviente & animas clementer habente. Multiplex ubique Ethnicos Neophytesque corripiebat metus, & passim ex variis nemoribus, Baptismi & Exhomologescos ergo, miserandis obsecrationibus Ortega accersebatur: sed Villarica petenda fuit, ubi strages corporum erat. In eā urbe ab utroque Socio tan-

tum